



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՊԱՇՏՊԱՆՈՒԹՅԱՆ ՆԱԽԱՐԱՐ

« 4 » 04 2016թ.  
ՊՆ 4510-550

2/1582-16  
05.04.16թ.

«Նարդու իրավունքների պաշտպան  
Ա. ԹԱԹՈՅԱՆԻՆ»

Հարգելի պարոն Թաթոյան

Ձեր քննարկմանն է ներկայացվում «Հայաստանի Հանրապետության զինված ուժերի ներքին ծառայության կանոնագիրքը հաստատելու մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագիծը:

Խնդրում եմ օրենքի նախագծի վերաբերյալ Ձեր դիտողությունները և առաջարկությունները հնարավորին սեղմ ժամկետում ուղարկել ՀՀ պաշտպանության նախարարություն:

Առդիր՝ 11 թերթ:

Հարգանքով՝

Ա. ՕՇԱՆՅԱՆ

ՀՀ ՍԱՐԴՈՒ ԻՐԱՎՈՒՆԵՆԵՐԻ ՊԱՇՏՊԱՆՐ			
Ա Շ Ն Ա Տ Ս ի Ա Յ Մ			
ՄՏԻՑ ԹԵՎ	Մ-103		
« 05 »	04	2016	թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՕՐԵՆՔԸ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԶԻՆՎԱԾ ՈՒԺԵՐԻ ՆԵՐՔԻՆ ԾԱՌԱՅՈՒԹՅԱՆ ԿԱՆՈՆԱԳԻՐՔԸ ՀԱՍՏԱՏԵԼՈՒ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

**ՀՈԴՎԱԾ 1.** «Հայաստանի Հանրապետության զինված ուժերի ներքին ծառայության կանոնագիրքը հաստատելու մասին» Հայաստանի Հանրապետության 1996 թվականի դեկտեմբերի 3-ի ՀՕ-99 օրենքի 1-ին հոդվածով հաստատված «Հայաստանի Հանրապետության զինված ուժերի ներքին ծառայության կանոնագրքի» (այսուհետ՝ Կանոնագիրք) 8-րդ հոդվածում «պաշտոնեական» բառից հետո լրացնել «կամ հատուկ» բառերը:

**ՀՈԴՎԱԾ 2.** Կանոնագրքի 65-րդ հոդվածի երրորդ պարբերությունում «(մեծը)» բառը հանել:

**ՀՈԴՎԱԾ 3.** Կանոնագրքի 67-րդ հոդվածում՝

1) առաջին պարբերությունում «(մեծը)» բառը հանել.

2) լրացնել հետևյալ բովանդակությամբ նոր պարբերություն.

«Հրամանատարի (պետի) կամ ավագի հարցմանը հաստատական պատասխան տալու դեպքում զինծառայողը պատասխանում է՝ «Ճիշտ այդպես», իսկ ժխտողական պատասխանի դեպքում՝ «Ոչ մի կերպ»:

**ՀՈԴՎԱԾ 4.** Կանոնագրքի 71-րդ հոդվածի առաջին պարբերության երկրորդ նախադասությունը շարադրել հետևյալ խմբագրությամբ.

«Զինծառայողների միասնական համագգեստի, զինվորական տարբերանշանների ձևերը և դրանց նկարագրերը հաստատում է Հայաստանի Հանրապետության կառավարությունը:»:

**ՀՈԴՎԱԾ 5.** Կանոնագրքի 78-րդ հոդվածում՝

1) առաջին պարբերությունում «պարտավոր է» բառերից առաջ լրացնել «պատասխանատու է ենթակա անձնակազմի կողմից զինվորական ծառայության անվտանգության պահանջների կատարման համար և»:

2) երրորդ պարբերությունում «Անձնակազմի զոհվելը և խեղվելը կանխելու» բառերը փոխարինել «Զինվորական ծառայության անվտանգության» բառերով:

**ՀՈԴՎԱԾ 6.** 92-րդ հոդվածի երկրորդ պարբերության երկրորդ նախադասությունում <<պետը>> բառից հետո լրացնել <<(հաստիքով նախատեսված լինելու դեպքում)>> բառերը:

**ՀՈԴՎԱԾ 7.** Կանոնագրքի 93-րդ հոդվածի առաջին պարբերությունում <<պահպանման>> բառից հետո լրացնել <<, զինվորական ծառայության անվտանգության ապահովման միջոցառումների կազմակերպման>> բառերը:

**ՀՈԴՎԱԾ 8.** Կանոնագրքի 94.2-րդ հոդվածի առաջին պարբերության 4-րդ մասում <<գործընթացը,>> բառից հետո լրացնել <<վերահսկել մարտական հերթապահությունում զինվորական ծառայության անվտանգության ապահովման միջոցառումների կատարումը,>> բառերը:

**ՀՈԴՎԱԾ 9.** Կանոնագրքի 96-րդ հոդվածի առաջին պարբերությունում՝

1) 5-րդ մասը շարադրել հետևյալ նոր խմբագրությամբ.

<<- մշակել գնդի մարտական պատրաստության պլան, գնդի տեղաբաշխման վայրի պահպանության և պաշտպանության պլան, վերահսկել դրանց կատարումը, կազմել օրվա վերակարգի (ներքին պահակախմբերի) բաշխման տեղեկագիրը, վերակարգերում ընդգրկվող սպաների և ենթասպաների հերթապահության ամենամյա ժամանակացույցը, ինչպես նաև գնդի պայմանագրային զինվորական ծառայության սպայական և ենթասպայական կազմերի զինծառայողների արձակուրդների ժամանակացույցը.>>.

2) 12-րդ մասում <<պահակապետին>> բառից հետո լրացնել <<, հերթապահ ստորաբաժանման հրամանատարին>> բառերը.

3) 15-րդ մասում <<ծառայացուցակը>> բառը փոխարինել <<տեղեկամատյանը>> բառով.

4) 16-րդ մասում <<հսկել>> բառից առաջ լրացնել <<մասնակցել գնդում զինվորական ծառայության անվտանգության ապահովման միջոցառումների մշակմանն ու իրականացմանը,>> բառերը:

**ՀՈԴՎԱԾ 10.** Կանոնագրքի 99-րդ հոդվածի առաջին նախադասությունում <<պատրաստության,>> բառից հետո լրացնել <<զինվորական ծառայության անվտանգության ապահովման միջոցառումների իրականացման,>> բառերը:

**ՀՈԴՎԱԾ 11.** Կանոնագրքի 100-րդ հոդվածի առաջին պարբերությունում՝

1) 1-ին մասում <<պլանների>> բառը փոխարինել <<, գնդի տեղաբաշխման վայրի պահպանության և պաշտպանության պլանների, զինվորական ծառայության անվտանգության ապահովման միջոցառումների>> բառերով.

2) 10-րդ մասում <<հերթապահին>> բառից հետո լրացնել <<, ամսվա ընթացքում առնվազն մեկ անգամ մեթոդագործական պարապմունք անցկացնել հավաքակայանի

հերթապահ նշանակվող զինծառայողների հետ՝ հատուկ պարտականությունների կատարման կարգի վերաբերյալ>> բառերը:

**ՀՈԴՎԱԾ 12.** Կանոնագրքի 101-րդ հոդվածի առաջին նախադասությունում <<պատրաստականության,>> բառից հետո լրացնել <<զինվորական ծառայության անվտանգության ապահովման միջոցառումների իրականացման,>> բառերը:

**ՀՈԴՎԱԾ 13.** Կանոնագրքի 102-րդ հոդվածի առաջին պարբերությունում՝

1) 4-րդ մասում <<զինծառայողի>> բառից հետո լրացնել <<, ներառյալ օրվա վերակարգում ընդգրկվածներին,>> բառերով.

2) 8-րդ մասում <<հերթապահին>> բառից հետո լրացնել <<, ամսվա ընթացքում առնվազն մեկ անգամ մեթոդագործական պարապմունք անցկացնել ճաշարանի հերթապահ նշանակվող զինծառայողների հետ՝ հատուկ պարտականությունների կատարման կարգի վերաբերյալ>> բառերը:

**ՀՈԴՎԱԾ 14.** Կանոնագրքի 158-րդ հոդվածի առաջին պարբերության 8-րդ մասում <<կատարել>> բառից հետո լրացնել <<զինվորական ծառայության>> բառերը:

**ՀՈԴՎԱԾ 15.** Կանոնագրքի 160-րդ հոդվածի առաջին պարբերությունում՝

1) 4-րդ և 5-րդ մասերը շարադրել հետևյալ նոր խմբագրությամբ.

<<- մարտական հերթապահության (մարտական ծառայության) և օրվա վերակարգում ծառայության օրինակելի կատարումով.

- օրվա կարգացուցակի և ծառայության բաշխման կարգի ճշգրիտ կատարումով.>>.

2) 7-րդ մասում <<հակահրդեհային>> բառից առաջ լրացնել <<զինվորական ծառայության և>> բառերը:

**ՀՈԴՎԱԾ 16.** Կանոնագրքի 188-րդ հոդվածում՝

1) առաջին պարբերության առաջին նախադասությունում <<ամենօրյա>> բառից հետո լրացնել <<առավոտյան>> բառը.

2) երկրորդ պարբերությունում <<խոզանակով կամ>> և <<, դեռ երեկոյան ջուր լցնել վացարանները, մաքրել աղբամանները, իսկ ծխարաններում, դրանից բացի, դրանց մեջ ջուր կամ վարակազերծիչ հեղուկ լցնել>> բառերը հանել.

3) երրորդ պարբերությունում <<Պարապմունքների>> բառը փոխարինել <<Առավոտյան մաքրումից հետո և պարապմունքների>> բառերով:

**ՀՈԴՎԱԾ 17.** Կանոնագրքի 194-րդ հոդվածում՝

1) առաջին պարբերությունում.

ա. առաջին նախադասությունում <<տեղակայման շրջանը>> բառերը փոխարինել <<տարածքը>> բառով,

բ. լրացնել հետևյալ բովանդակությամբ նոր նախադասություն.

<<Ստորաբաժանումներին կցված տարածքների ընդհանուր մաքրումն իրականացվում է շաբաթական առնվազն մեկ անգամ:>>.

2) երկրորդ պարբերությունում.

ա. առաջին նախադասությունում <<տեղակայման շրջանը>> բառերը փոխարինել <<և զինվորական ավանի տարածքները>> բառերով,

բ. երրորդ նախադասությունում <<հարթակների>> բառից հետո լրացնել <<կամ վերամբարձ աշտարակների>> բառերը.

3) երրորդ պարբերությունը շարադրել հետևյալ նոր խմբագրությամբ.

<<Ստորաբաժանմանն ամրակցված տեխնիկայի կայանմամբ տարածքների մաքրումն իրականացվում է տվյալ ստորաբաժանման անձնակազմի ուժերով՝ օրվա կարգացուցակով նախատեսված սպառազինության և ռազմական տեխնիկայի խնամքի ժամին: Տեխնիկական (պահեստների) տարածքների մաքրումն իրականացվում է գնդի հրամանատարի հրամանով այդ տարածքներում աշխատելու թույլտվություն ունեցող ստորաբաժանումների անձնակազմի ուժերով: Գնդի և զինվորական ավանի տարածքների մաքրումը կատարվում է օրվա վերակարգի և ճաշից հետո առանձնացված խմբերի ուժերով: Հավաքակայանային-տնտեսական օրը, ըստ օրվա պլանի, գնդի և զինվորական ավանի տարածքների մաքրման համար առանձնացվում են խմբեր կամ ստորաբաժանումներ:>>:

**ՀՈԴՎԱԾ 18.** Կանոնագրքի 244-րդ հոդվածին հաջորդող վերնագրում <<ԳՆԴԻ>> բառից առաջ լրացնել <<ԿԱՅԱՂՈՐԻ ՍԱՀՄԱՆՆԵՐԻՑ ԴՈՒՐՍ ԳԱԼԸ ԵՎ>> բառերը:

**ՀՈԴՎԱԾ 19.** Կանոնագրքի 245-րդ հոդվածը շարադրել հետևյալ նոր խմբագրությամբ.

<<Հոդված 245. Պայմանագրային զինծառայողներն օրվա ծառայության ավարտից հետո, ինչպես նաև հանգստյան և տոնական օրերին իրավունք ունեն ազատ տեղաշարժվելու կայազորի սահմաններում և կայազորի սահմաններից դուրս: Ընդ որում, կայազորի սահմաններից դուրս գալու դեպքում պայմանագրային զինծառայողը պարտավոր է այդ մասին բանավոր կամ գրավոր տեղեկացնել իր անմիջական հրամանատարին (պետին): Ժամկետային պարտադիր զինծառայողները, սույն Կանոնագրքի 246-րդ հոդվածով սահմանված կարգով, կարող են ազատ տեղաշարժվել կայազորի սահմաններում, իսկ կայազորի սահմաններից կարող են դուրս գալ միայն օրենքով սահմանված կարգով արձակուրդի կամ գործուղման կամ բուժման վայր մեկնելիս:>>:

**ՀՈԴՎԱԾ 20.** Կանոնագրքի 268-րդ հոդվածի երրորդ պարբերության առաջին նախադասությունում <<զորամասերում>> բառից հետո լրացնել <<սերժանտական կազմից

նշանակված հավաքականի հերթապահը, հսկիչ-անցագրային կետի հերթապահը, գնդի շտաբի հերթապահը, ինչպես նաև>> բառերը:

**ՀՈԴՎԱԾ 21.** Կանոնագրքի 292-րդ հոդվածի երկրորդ պարբերության առաջին նախադասությունում <<ինչպես նաև գնդի շտաբի և ծառայությունների>> բառերը փոխարինել <<Մարտական դրոշի ապակեպատ տարածքը՝ ստուգելով հրշեջ ազդարարման և ծայնաազդանշանային համակարգերը, ինչպես նաև գնդի վարչության>> բառերով:

**ՀՈԴՎԱԾ 22.** Կանոնագրքի 294-րդ հոդվածի առաջին պարբերության 16-րդ մասը շարադրել հետևյալ նոր խմբագրությամբ.

<<- գնդի հրամանատարի ժամանման դեպքում դիմավորել նրա, տալ <<Ձգա՛ստ>> հրաման և զեկուցել:>>:

**ՀՈԴՎԱԾ 23.** Կանոնագրքի 308-րդ հոդվածի առաջին պարբերության 3-րդ մասում <<կարգը,>> բառից հետո լրացնել <<վաշտի մարտական հաշվարկը,>> բառերը:

**ՀՈԴՎԱԾ 24.** Կանոնագրքի 352-րդ հոդվածի վեցերորդ պարբերության երկրորդ նախադասությունում <<ավագը>> բառից հետո լրացնել <<կամ վաշտի սանհրահանգիչը>> բառերը:

**ՀՈԴՎԱԾ 25.** Կանոնագրքի 353-րդ հոդվածի առաջին պարբերության երրորդ նախադասությունը շարադրել հետևյալ նոր խմբագրությամբ.

<<Ձինծառայողները ծառայողական պարտականություններից կամ պարապմունքներից լրիվ կամ մասնակիորեն ազատվում են գնդի հրամանատարի հրամանով՝ հիմք ընդունելով հոսպիտալային ուղեբացման հանձնաժողովի որոշումը կամ զորամասի բժշկի (բուժակի) եզրակացությունը:>>:

**ՀՈԴՎԱԾ 26.** Կանոնագրքի 398-րդ հոդվածի երկրորդ պարբերության առաջին նախադասությունում՝

1) <<զորամասերում>> բառից հետո լրացնել <<(ստորաբաժանումներում)>> բառերը.

2) <<պահպանման>> բառից հետո լրացնել <<և զինվորական ծառայության անվտանգության>> բառերը:

**ՀՈԴՎԱԾ 27.** Կանոնագրքի 410-րդ հոդվածում <<և պետական>> բառերից առաջ լրացնել <<կամ Հայաստանի Հանրապետության վարչապետը կամ Հայաստանի Հանրապետության Ազգային ժողովի նախագահը>> բառերը:

**ՀՈԴՎԱԾ 28.** Կանոնագրքի 441-րդ հոդվածում <<զորամասի,>> բառից հետո լրացնել <<միավորման,>> բառը:

**ՀՈԴՎԱԾ 29.** Կանոնագրքի 442-րդ հոդվածի երկրորդ նախադասությունում «<շտաբի պետը, հրամանատարի՝ անձնակազմի հետ տարվող աշխատանքների, սպառազինության, թիկունքի գծով>> բառերը փոխարինել «<հրամանատարի>> բառով:

**ՀՈԴՎԱԾ 30.** Կանոնագրքի 445-րդ հոդվածի առաջին նախադասությունում «<յուրաքանչյուր ամիս>> բառերը փոխարինել «<երեք ամիսը մեկ անգամ>> բառերով:

**ՀՈԴՎԱԾ 31.** Կանոնագրքի 446-րդ հոդվածի 2-րդ կետում «<ամենամսյա>> բառը հանել:

**ՀՈԴՎԱԾ 32.** Կանոնագրքի 1-ին հավելվածի 5-րդ կետի առաջին պարբերության առաջին նախադասությունում «<զորամասը>> բառից հետո լրացնել «<Հայաստանի Հանրապետության պետական դրոշով,>> բառերով:

**ՀՈԴՎԱԾ 33.** Կանոնագրքի 2-րդ հավելվածում՝

1) 1-ին կետում լրացնել հետևյալ բովանդակությամբ նոր նախադասություն.

«<Ձորամասի մարտական դրոշի կանոնադրությունը, մարտական դրոշի նկարագիրը և մարտական դրոշի վկայագրի ձևը հաստատում է Հայաստանի Հանրապետության պաշտպանության նախարարը:>>».

2) ուժը կորցրած ճանաչել 3-րդ կետի երկրորդ պարբերությունը:

**ՀՈԴՎԱԾ 34.** Կանոնագրքի 3-րդ հավելվածում՝

1) 3-րդ կետի երկրորդ նախադասությունում «<տրվում է Հայաստանի Հանրապետության Նախագահի պահպանագիրը>> բառերը փոխարինել «<տրվում է նաև մարտական դրոշի վկայագիրը>> բառերով.

2) 8-րդ կետի երկրորդ պարբերության առաջին նախադասությունը շարադրել հետևյալ նոր խմբագրությամբ.

«<Մարտական դրոշը հանձնողն ընթերցում է մարտական դրոշի վկայագիրը, որից հետո մարտական դրոշը և մարտական դրոշի վկայագիրը փոխանցում է զորամասի հրամանատարին:>>».

3) 9-րդ կետի առաջին նախադասությունում «<պահպանագիրը>> բառը փոխարինել «<մարտական դրոշի վկայագիրը>> բառերով.

4) 17-րդ կետի երկրորդ պարբերության երրորդ նախադասությունը շարադրել հետևյալ նոր խմբագրությամբ.

«<Շքանշանը հանձնող անձը զորաշարքի առջև ընթերցում է զորամասը շքանշանով պարգևատրելու մասին Հայաստանի Հանրապետության նախագահի հրամանագիրը, որից հետո հրամանագիրը և շքանշանի վկայականը հանձնում է զորամասի հրամանատարին, իսկ շքանշանն ամրացնում է մարտական դրոշին:>>».

5) 19-րդ կետի երկրորդ նախադասությունը շարադրել հետևյալ նոր խմբագրությամբ.

<<Նշված դեպքում ընթերցվում է Հայաստանի Հանրապետության նախագահի հրամանագիրը՝ զորամասը շքանշանով պարգևատրելու մասին, որից հետո ընթերցվում է Հայաստանի Հանրապետության պաշտպանության նախարարի հրամանը՝ զորամասին մարտական դրոշ հանձնելու մասին:>>.

6) 25-րդ կետում <<պահակության>> բառը հանել.

7) 26-րդ կետում՝

ա. առաջին պարբերությունում <<պահակակետում>> բառը փոխարինել <<զորամասի շտաբում տեղադրվում է ապակեպատ տարածքում և>> բառերով, իսկ <<վիճակում>> բառից հետո լրացնել <<(կամ բաց վիճակում՝ ապակեպատ պահարանի առկայության դեպքում)>> բառերը,

բ. երկրորդ պարբերությունը շարադրել հետևյալ նոր խմբագրությամբ.

<<Մարտական դրոշի ապակեպատ տարածքը պետք է սարքավորված լինի հրշեջ ազդարարման և ծայնաազդանշանային համակարգերով, որոնք միացվում են զորամասի հերթապահի կառավարման վահանակին: Զորամասի հրամանատարի հրամանով, տոնական օրերին, մարտական դրոշի ապակեպատ տարածքի դիմաց կարող է կարգվել ժամանապահ՝ երկու հերթափոխով, առավել պատրաստված գինձառայողներից:>>.

գ. երրորդ պարբերությունում <<պահակակետում փակցվում են>> բառերը փոխարինել <<ապակեպատ տարածքի ներսում տեղադրվում են>> բառերով.

8) 28-րդ կետի երկրորդ պարբերության առաջին մասը շարադրել հետևյալ նոր խմբագրությամբ.

<<շաբաթվա ընթացքում առնվազն մեկ անգամ ստուգել մարտական դրոշի պահպանության գործընթացը,>>.

9) 29-րդ կետում՝

ա. առաջին պարբերության առաջին նախադասությունում <<պետը>> բառից հետո լրացնել <<՝ զորամասի հերթապահի,>> բառերը,

բ. երկրորդ պարբերությունում <<հանձնում պահակության պահպանմանը>> բառերը փոխարինել <<տեղադրվում է ապակեպատ տարածքում>> բառերով.

10) 34-րդ կետում՝

ա. առաջին պարբերության առաջին նախադասությունում <<իրային ծառայության>> բառերը հանել,

բ. երկրորդ պարբերությունում <<թիկունք>> բառը փոխարինել <<իրավասու ծառայություն>> բառերով.



գ. երրորդ պարբերությունում <<թիկունքը>> բառը փոխարինել <<իրավասու ծառայությունը>> բառերով:

**ՀՈԴՎԱԾ 35.** Կանոնագրքի 11-րդ հավելվածում՝

1) 3-րդ կետում <<հաջորդականությունը>> բառից հետո լրացնել << սննդի մատակարարումը կայազորային պահակախմբերին>> բառերը.

2) 4-րդ կետը շարադրել հետևյալ նոր խմբագրությամբ.

<<4. Բարոյահոգեբանական ապահովումը:>>.

3) 5-րդ կետում <<Դաստիարակչական, կուլտուրաամանցային աշխատանքների կատարման կարգը,>> բառերը հանել.

4) 9-րդ կետում <<պատվոգրքի>> բառը փոխարինել <<Պատվո գրքի և Պատմական տեղեկամատյանի>> բառերով.

5) 21-րդ կետում <<անցկացման>> բառը փոխարինել <<ամփոփման>> բառով.

6) երկրորդ պարբերության առաջին մասում <<օրվա>> բառից առաջ լրացնել <<օրվա կարգացուցակը և>> բառերը:

**ՀՈԴՎԱԾ 36.** ԵԶՐԱՓԱԿԻՉ ԵՎ ԱՆՑՈՒՄԱՅԻՆ ԴՐՈՒՅԹՆԵՐ

1. Սույն օրենքը, բացառությամբ 4-րդ հոդվածի, 33-րդ հոդվածի, 34-րդ հոդվածի 1-ին, 2-րդ, 3-րդ, 4-րդ և 5-րդ մասերի, ուժի մեջ է մտնում պաշտոնական հրապարակման օրվան հաջորդող տասներորդ օրը:

2. Սույն օրենքի 4-րդ հոդվածը, 33-րդ հոդվածը, 34-րդ հոդվածի 1-ին, 2-րդ, 3-րդ, 4-րդ և 5-րդ մասերն ուժի մեջ են մտնում Հայաստանի Հանրապետության Սահմանադրության 152-րդ և 153-րդ հոդվածներն ուժի մեջ մտնելու օրվանից:

## ՏԵՂԵԿԱՆՔ-ՀԻՄՆԱՎՈՐՈՒՄ

<<Հայաստանի Հանրապետության զինված ուժերի ներքին ծառայության կանոնագիրքը հաստատելու մասին>> Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագծի ընդունման

### 1. Իրավական ակտի ընդունման անհրաժեշտությունը

Օրենքի նախագծի ընդունումը պայմանավորված է Հայաստանի Հանրապետության զինված ուժերի ներքին ծառայության կանոնագրքում զինվորական ծառայության անվտանգության ապահովման գործընթացում հրամանատարների պարտականությունների ավելացման, օրվա վերակարգի, հերթապահ ստորաբաժանումների, հսկիչ-անցագրային կետերի կողմից ծառայության իրականացման, զինծառայողների տեղաշարժի, մարտական դրոշի օգտագործման հետ կապված հարաբերությունների հստակեցման, ինչպես նաև ՀՀ Սահմանադրության փոփոխությունների հետ կապված օրենքի մի շարք դրույթների վերանայման անհրաժեշտությամբ:

### 2. Ընթացիկ իրավիճակը և խնդիրները

Ներկայումս հրամանատարի պարտականությունները սահմանող հոդվածներում նախատեսված չեն զինվորական ծառայության անվտանգության ապահովման ընդհանուր պարտավորությունները, օրվա վերակարգի, հերթապահ ստորաբաժանումների, հսկիչ-անցագրային կետերի կողմից ծառայության պատշաճ կազմակերպման ու իրականացման, զինծառայողների տեղաշարժի, մարտական դրոշի պահպանման և օգտագործման գործընթացում առաջ են գալիս խնդիրներ, որոնք լուծման կարիք ունեն: Բացի այդ, ՀՀ Սահմանադրության փոփոխություններին համահունչ, ներքին ծառայության կանոնագրքում վերանայման կարիք ունեն զինծառայողների համազգեստի և տարբերանշանների, զորամասի մարտական դրոշի նկարագրի հաստատման ու զորամասին հանձնման հետ կապված դրույթները:

### 3. Տվյալ բնագավառում իրականացվող քաղաքականությունը

Ապահովել Հայաստանի Հանրապետության զինված ուժերում զինվորական ծառայության անվտանգությունը, պատասխանատու պաշտոնատար անձանց և ստորաբաժանումների իրավասությունների հստակ շրջանակը:

### 4. Կարգավորման նպատակը և բնույթը

Օրենքի նախագծով հստակեցվում են զինվորական ծառայության անվտանգության ապահովման, զորամասում զինվորական ծառայության կազմակերպման և իրականացման հետ կապված պաշտոնատար անձանց ու զինծառայողների իրավասությունները և պարտականությունները, մարտական դրոշի պահպանման և օգտագործման կարգը:

### 5. Նախագծի մշակման գործընթացում ներգրավված ինստիտուտները և անձինք

Նախագիծը մշակվել է ՀՀ պաշտպանության նախարարության իրավաբանական և ՀՀ զինված ուժերի գլխավոր շտաբի զորքերի ծառայության վարչությունների կողմից:

### 6. Ակնկալվող արդյունքը

Ապահովել զինված ուժերում ներքին ծառայության պատշաճ կազմակերպման ու իրականացման գործընթացը, այդ ուղղությամբ պաշտոնատար անձանց և զինծառայողների իրավասությունների հստակ շրջանակը:

### 7. Այլ տեղեկություններ չկան:

ՏԵՂԵԿԱՆՔ

«Հայաստանի Հանրապետության զինված ուժերի ներքին ծառայության կանոնագիրքը հաստատելու մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագծի ընդունման

Պետական բյուջեում կամ տեղական ինքնակառավարման մարմինների բյուջեների վրա ազդեցությունը					
Ցուցանիշներ	ընթացիկ (n-րդ) տարի		Հաջորդող 3 տարիները		
	Ըստ n - րդ տարվա պետական բյուջեի	փոխությունը n - րդ տարվա պետական բյուջեի համեմատ	n +1	n +2	n +3
			Փոփոխությունն ընթացիկ տարվա համեմատ (n)	Փոփոխությունն ընթացիկ տարվա համեմատ (n)	Փոփոխությունն ընթացիկ տարվա համեմատ (n)
1	2	3	4	5	6
1. Եկամուտներ	Չկա	-	-	-	-
1.1. պետական բյուջեի եկամուտներ					
1.2. ՏԻՄ եկամուտներ					
2. Ծախսեր	Չկա	-	-	-	-
2.1. պետական բյուջեի ծախսեր					
2.2. ՏԻՄ բյուջեի ծախսեր					
3. Ֆիսկալ ազդեցության գնահատական	Չկա	-	-	-	-
3.1. պետական բյուջե					
3.3. ՏԻՄ բյուջե					
4. Եկամուտների և ծախսերի հաշվարկների մանրամասն ներկայացում (անհրաժեշտության դեպքում կարող է ներկայացվել հավելվածի տեսքով):	Չկա				
4.1. Եկամուտների գնահատում					
4.2. Ծախսերի գնահատում					
5. Այլ տեղեկություններ (եթե այդպիսիք առկա են)	Չկա				

## ՏԵՂԵԿԱՆՔ

<<Հայաստանի Հանրապետության զինված ուժերի ներքին ծառայության կանոնագիրքը հաստատելու մասին>> Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագծի ընդունման կապակցությամբ այլ իրավական ակտերում փոփոխություններ և լրացումներ կատարելու վերաբերյալ

Օրենքի նախագծի ընդունումն այլ իրավական ակտերում փոփոխություններ և լրացումներ կատարելու անհրաժեշտություն չի առաջացնում:

## ՏԵՂԵԿԱՆՔ

<<Հայաստանի Հանրապետության զինված ուժերի ներքին ծառայության կանոնագիրքը հաստատելու մասին>> Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագիծը հրապարակային քննարկման ներկայացնելու և դրա արդյունքում արված առաջարկությունների վերաբերյալ

1. Օրենքի նախագիծը տեղադրվել է ՀՀ պաշտպանության նախարարության պաշտոնական ինտերնետային կայք էջում՝ [www.mil.am](http://www.mil.am) հասցեով:
2. Նախագծի վերաբերյալ էլեկտրոնային կամ գրավոր եղանակով դիտողություններ կամ առաջարկություններ չեն ներկայացվել: